

2023թ. ԸՆԹԱՑՔՈՒՄ ՀՐԱՊԱՐԱԿՎԱԾ ԷԱԿԱՆ ՓԱՍՏԵՐԻ ԵՎ
ՏԵՂԵԿՈՒԹՅՈՒՆՆԵՐԻ ՄԱՍԻՆ ՀԱՇՎԵՏՎՈՒԹՅՈՒՆ

Հիմք ընդունելով «Արժեթղթերի շուկայի մասին» ՀՀ օրենքի 125-րդ հոդվածի և ՀՀ Կենտրոնական բանկի Խորհրդի 2008թ. մարտի 11-ի թիվ 68-Ն որոշմամբ հաստատված «Ազդագիր և հաշվետու թողարկողների հաշվետվություններ» Կանոնակարգ. 4/04-ի 49-րդ կետի պահանջները՝ ներկայացնում ենք 2023թ. ընթացքում «ԱԿԲԱ ԲԱՆԿ» ԲԲԸ կողմից բացահայտված էական փաստերն ու տեղեկությունները, և միաժամանակ հաստատում ենք, որ սույն հաշվետվության մեջ ներառված փաստերն ու տեղեկությունները հավաստի և լիարժեք են ու չեն պարունակում այնպիսի բացթողումներ, որոնք կարող են խեղաթյուրել տվյալ փաստաթղթի իմաստն ու ամբողջականությունը:

Տեղեկացնում ենք, որ նշված նյութերը հրապարակվել են նաև Բանկի ինտերնետային կայքում՝ հետևյալ հղումներով.

<https://www.acba.am/hy/announcements/invest-1637070599>

<https://www.acba.am/hy/announcements/about-bonds>

Առդիր 10 էջ:

Հակոբ Անդրեասյան

(անուն, ազգանուն)

Գլխավոր
գործադիր տնօրեն

(պաշտոն)



(ստորագրություն)

(ամսաթիվ)

21.05.2024թ.

Սույնով տեղեկացնում ենք, որ 2022թ. դեկտեմբերի 1-ից մինչև ս.թ. հունվարի 31-ը ներառյալ հրապարակային առաջարկի միջոցով տեղաբաշխվող Բանկի անվանական արժեկտրոնային ոչ փաստաթղթային՝ AMACBAB29ER3 թողարկման, դոլարային և AMACBAB28ER5 թողարկման դրամային պարտատոմսերի առաջնային տեղաբաշխման ժամկետը երկարաձգվել է մինչև ս.թ. փետրվարի 28-ը ներառյալ:

Վերոնշյալ որոշումը կայացվել է համաձայն Բանկի գլխավոր գործադիր տնօրենի հրամանի՝ հիմք ընդունելով «ԱԿԲԱ ԲԱՆԿ» ԲԲԸ (այսուհետ՝ Բանկ) 2022թ. հոկտեմբերի 14-ի ՀՀ ԿԲ կողմից գրանցված Պարտատոմսերի Ծրագրային Ազդագրի 3.4.1.2 կետում նշված դրույթն առ այն, որ մինչև պարտատոմսերի յուրաքանչյուր տրանշի առաջնային տեղաբաշխման ավարտը չտեղաբաշխված պարտատոմսերի առաջնային տեղաբաշխման ժամկետը կարող է երկարաձգվել Բանկի գլխավոր գործադիր տնօրենի որոշմամբ մինչև 20 օրացուցային օրով՝ Ազդագրում սահմանված պայմաններով:

Տեղեկացնում ենք, որ սույն թվականի փետրվարի 14-ին և փետրվարի 28-ին «ԱԿԲԱ-ԲԱՆԿ» ԲԲԸ-ն դիմել է «Հայաստանի ֆոնդային բորսա» ԲԲԸ, համապատասխանաբար Բանկի՝ AMACBAB29ER3 թողարկման դոլարային պարտատոմսերը և AMACBAB28ER5 թողարկման դրամային պարտատոմսերը Հայաստանի ֆոնդային բորսայի պարտատոմսերի երկրորդային (Bbond) ցուցակում ցուցակելու նպատակով:

Սույնով տեղեկացնում ենք, որ հիմք ընդունելով ՀՀ ԿԲ Նախագահի 22/03/2023թ. թիվ 1/113 Ա որոշումը և ղեկավարվելով «ԱԿԲԱ ԲԱՆԿ» ԲԲԸ կանոնադրությամբ՝ ս.թ. ապրիլի 6-ից սկսվել է «ԱԿԲԱ ԲԱՆԿ» ԲԲԸ «Ավան» մասնաճյուղի գործունեությունը ՀՀ, ք. Երևան, Ավան, Մ. Խուդյակովի փողոց 210/2 հասցեում:

«ԱԿԲԱ ԲԱՆԿ» ԲԲԸ բաժնետերերի 2023 թվականի տարեկան ընդհանուր ժողովը տեղի կունենա 2023 թվականի մայիսի 25-ին սահմանափակ թվով բաժնետերերի ֆիզիկական ներկայությամբ՝ «ՖՈՒԴՊԱՐԿ ԲԱՅ ԴԱՈՒՆԹԱՈՒՆ» ("FOODPARK BY DOWNTOWN") վայրում, ժամը 15:00-ին: Ֆիզիկապես չներկայացած բաժնետերերը հնարավորություն կունենան մասնակցել տարեկան ընդհանուր ժողովին և քվեարկել հատուկ նախատեսված կապի միջոցներով՝ իրական ժամանակի ռեժիմում:

Ընդհանուր ժողովին մասնակցելու և տարեկան շահութաբաժիններ ստանալու իրավունք կունենան ԱԿԲԱ Բանկի բոլոր այն բաժնետերերը, անկախ տնօրինվող բաժնետոմսերի քանակից, ովքեր 2023 թվականի մայիսի 10-ի ժամը 15:30-ի դրությամբ ընդգրկված կլինեն Բանկի բաժնետերերի ռեեստրում: Շահութաբաժինների չափի և վճարման մասին վերջնական որոշումը կընդունվի ընդհանուր ժողովի կողմից:

Ընդհանուր ժողովի գումարման մասին ծանուցումը և անհրաժեշտ տեղեկատվությունը ԱԿԲԱ Բանկի բոլոր բաժնետերերին կուղարկվի մայիսի 10-ին՝ էլեկտրոնային փոստի միջոցով:

Տեղեկացնում ենք, որ «ԱԿԲԱ ԲԱՆԿ» ԲԲԸ (այսուհետ նաև՝ Բանկ) բաժնետերերի տարեկան ընդհանուր ժողովը (այսուհետ նաև՝ Ընդհանուր ժողով) գումարվել է 2023 թվականի մայիսի 25-ին, ժամը 15:00-ին, «ՖՈՒԴՊԱՐԿ ԲԱՅ ԴԱՈՒՆԹԱՈՒՆ» ("FOODPARK BY DOWNTOWN") կենտրոնում (հասցե՝ ՀՀ, 0002, ք.Երևան, Իսակովի 11), սահմանափակ թվով բաժնետերերի ֆիզիկական ներկայությամբ: Ֆիզիկապես չներկայացած բաժնետերերը հնարավորություն են ունեցել մասնակցել տարեկան ընդհանուր ժողովին տեսակապով և քվեարկել առցանց եղանակով կամ քվեաթերթիկի միջոցով:

Ընդհանուր ժողովի կողմից քննարկվել և կայացվել են հետևյալ որոշումները.

1. Բանկի 2022թ. տարեկան շահույթը բաշխելու մասին.

- Բանկի 2022թ. գործունեության արդյունքում ձևավորված զույր շահույթից Բանկի բաժնետերերին վճարել ընդհանուր 4,400,000,000 (չորս միլիարդ չորս հարյուր միլիոն) ՀՀ դրամ՝ որպես տարեկան շահութաբաժիններ, այն է՝ յուրաքանչյուր 1 բաժնետիրոջ դիմաց 800 (ութ հարյուր) ՀՀ դրամ:

Տարեկան շահութաբաժինների վճարումները կատարել 2023թ. հունիսի 1-ից հուլիսի 1-ն ընկած ժամանակահատվածում, դրամական միանվագ փոխանցմամբ, «ԱԿԲԱ ԲԱՆԿ» ԲԲԸ բաժնետերերի տարեկան ընդհանուր ժողովին մասնակցելու իրավունք ունեցող մասնակիցների ցուցակը կազմելու օրվա՝ 2023 թվականի մայիսի 10-ի, ժամը 15:30-ի դրությամբ Բանկի մասնակիցների ռեեստրում ընդգրկված բաժնետերերին՝ կանոնադրական կապիտալում ունեցած մասնակցությանը համամասնորեն:

2. Բանկի խորհրդի անդամներին վերանշանակելու մասին.

Տվյալ հարցի շրջանակներում Ընդհանուր ժողովի կողմից կայացվել են հետևյալ որոշումը.

- Խորհրդի անդամներ Արմեն Մկրտչյանին և Հրաչ Սարգսյանին վերանշանակել մեկ տարով:

3. Բանկի կանոնադրության նոր խմբագրությունը հաստատելու մասին:

Տեղեկացնում ենք, որ 2023թ. հունիսի 1-ին «ԱԿԲԱ-ԲԱՆԿ» ԲԲԸ-ն ամբողջությամբ մարել է 2021թ.-ի հունիսի 1-ին թողարկված **AMACBAB27ER7** թողարկման կորպորատիվ դրամային պարտատոմսերը: Ինչպես նաև վերոնշյալ պարտատոմսերի գծով կատարվել է վերջին՝ չորրորդ արժեկտրոնի վճարում՝ անվանական արժեքի 4.75% չափով:

Հարկ է նշել նաև, որ շրջանառության ժամկետը լրանալու և մարվելու հիմքով, վերոնշյալ պարտատոմսերն ապացուցակվել են նաև Հայաստանի ֆոնդային բորսայի Bbond ցուցակից:

Ընդհանուր մարված պարտատոմսերի անվանական արժեքը կազմել է 2,000,000,000 ՀՀ դրամ:

Տեղեկացնում ենք, որ սույն թվականի մայիսի 30-ին «ԱԿԲԱ-ԲԱՆԿ» ԲԲԸ-ն դիմել է «Հայաստանի ֆոնդային բորսա» ԲԲԸ, Բանկի՝ **AMACBAB2BER5** թողարկման դոլարային պարտատոմսերը Հայաստանի ֆոնդային բորսայի պարտատոմսերի երկրորդային (Bbond) ցուցակում ցուցակելու նպատակով:

Սույնով տեղեկացնում ենք, որ ՀՀ կենտրոնական բանկի նախագահի 06.09.2023թ. թիվ 1/455 Ա որոշման համաձայն գրանցվել են Ակբա բանկի նոր՝ «Սեբաստիա» մասնաճյուղը: «Սեբաստիա» մասնաճյուղը գործում է ՀՀ, ք. Երևան, Սեբաստիա 80, թիվ 50 շինություն հասցեում:

Տեղեկացնում ենք, որ սույն թվականի հոկտեմբերի 12-ին «ԱԿԲԱ-ԲԱՆԿ» ԲԲԸ-ն դիմել է «Հայաստանի ֆոնդային բորսա» ԲԲԸ, Բանկի՝ **AMACBAB2CER3** և **AMACBAB2DER1** *թողարկման դրամային և դոլարային* պարտատոմսերը Հայաստանի ֆոնդային բորսայի պարտատոմսերի երկրորդային (Bbond) ցուցակում ցուցակելու նպատակով:

Տեղեկացնում ենք, որ 2023թ. դեկտեմբերի 01-ին «ԱԿԲԱ-ԲԱՆԿ» ԲԲԸ-ն ամբողջությամբ մարել է 2021թ.-ի հունիսի 01-ին թողարկված **AMACBAB26ER9** թողարկման կորպորատիվ դոլարային պարտատոմսերը: Ինչպես նաև վերոնշյալ պարտատոմսերի գծով կատարվել է վերջին՝ հինգերորդ արժեկտրոնի վճարում՝ անվանական արժեքի 2.05% չափով:

Հարկ է նշել նաև, որ շրջանառության ժամկետը լրանալու և մարվելու հիմքով, վերոնշյալ պարտատոմսերն ապացուցակվել են նաև Հայաստանի ֆոնդային բորսայի Bbond ցուցակից:

Ընդհանուր մարված պարտատոմսերի անվանական արժեքը կազմել է 3,000,000 ԱՄՆ դոլար: